



Inatsisartuni ilaasortaq,
Kristian Jeremiassen, Inuit Ataqatigiit
Maani/

§ 37 naapertorlugu apeqquteqaammut nr. 118-2023 Kitsissunnguani imeqqutaallanut tunngasumut akissuteqaat

Inatsisartut suleriaasissaanni § 37-mi imm. 1 naapertorlugu apeqqutinik Naalakkersuisunut nassiusaqarsimavutit, Kitsissunnguani imeqqutaallaat aamma imeqqutaallat mannii pillugu. Apeqqutitit uanga suliassa qarfigisannut akisassanngortinneqarsimapput.

Apeqqut 1) Naalakkersuisut Kitsissunnguani imeqqutaallat mannii uumasunik allanik ilanngartorneqartarneri annikillissarniarlugit suut suliniutit aallartinniapaat?

1-mut akissuteqaat.

Kitsissunnguani terianniat ajornartorsiutaaner at millisissallugu Naalakkersuisunut ataavartumik suliassaavoq.

Timmissat pillugit nalunaarut 2001-imeersoq malillugu Kitsissunnguani imeqqutaallat manniinik mannissarniarneq inerteqqutaalerpoq, tamannalu aasaanerani 2002-mi manniliorerup nalaani siullerpaamik atuuppoq. Naalakkersuisut taamanili Kitsissunnguani pingaartumik terianniat imeqqutaallanut ajornartorsiutaaner at millisinniarlugu sulissutigaat.

Ilisimaneqartutuut Kitsissunnguut ukiuunerani sikusartumi inissisimapput, taamaamat terianniat ukiut tamaasa qeqertanukartartut ikaartarnerat naatsorsuutigineqarluni. Kalaallit Nunaanni Aalisarsinnaanermut Akuersissutinik Naakutilliisoqarfimmeersut (KANUAANA) piniarnermut nakkutilliisut ukiuni kingullerni Arktisk Kommando suleqatigalugu Kitsissunnguaniittarput. Sikuniarneq qeqertanilu aputeqarneq pissutigalugu ukiumiit ukiumut qeqertani angalasinnaanermut periarfissat assigiinneq ajorput. Piniarnermut nakkutilliisut sapinngisamik manniliorneq sioqqullugu qeqertanut misissuinissaat sulissutigineqarpoq, qeqertat taamaalillugit terianniaqarsinnaaneq pillugu misissorneqarlutik terianniallu sapinngisamik nungunniarsaralugit.

Apeqqut 2) Imeqqutaallat ikiliartornerat ukiuni kingullerni saqqummiunneqartarpoq ikiliartunnginnissaanut suut suliniutit suut ingerlanneqarpat?

2-mut akissuteqaat.

Kitsissunnguani imeqqutaallanik akornusersuinerup millisinneqarnissaanut suliniutit ukiuni arlalinni ingerlanneqarnikuupput. Suleqatigiissitamik 2017-mi pilersitsisoqarpoq Namminersorlutik Oqartussani Naalakkersuisoqarfinniit attuummassuteqartuniit, Kommune Qeqertalimmiit kiisalu Pinngortitaleriffimmiit peqataaffigineqartumik. Suleqatigiissitap siunertaraa qeqertani imeqqutaallanut timmissanullu allanut pissutsinik

Ulloq: 24-07-2023
Suliap normua: 2023 - 19007
Akt normu: 23193619

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apn@nanoq.gl
www.naalakkersuisut.gl

pitsanngorsaaniarneq. Suliassat ilagaat Kommune Qeqertalik aamma KANUAANA suleqatigalugit teriannianik nungusaanissaq.

KANUAANA ukiut tamaasa qeqertani terianniaqarneq pillugu takusaasarpoq, ilaatigut imeqqutaallat manniliortinnagit ilaatigullu manniliorterup nalaani. Qeqertaniinneq iluatisillugu piniutit soorlu qassutinik tamaaniittussanngiitsunik misissuisarput.

KANUAANA-meersut piniarnermut nakkutilliisut aallaammik nassarlutik ilaatigut iluatsippallaanngitsumik qeqertaniinnikuupput. Qeqertat terianneqannginnersut qulakkerniarlugu ornigutissagaanni, qeqertat qanoq tikikkuminartiginersut apeqqutaasorujussuupput, tassani qanoq sikoqartiginersoq, qeqertanilu aputeqartigineqasoq apeqqutaasaramit.

Avatangiisinut Pinngortitamullu Naalakkersuisoqarfik ukiut 4-5 matuma siorna Kitsissunnguani 15-20-nik teriannissanut pullasiinikuupput, ilaatsinngitsumilli.

Avatangiisinut Pinngortitamullu Naalakkersuisoqarfik ukiut arlagangitsut matuma siorna Kommune Qeqertalik suleqatigalugu sumiiffimmi piniartut qeqertani utaqqiisaagallartumik nakkutilliisuunissaat siunertarlugu aningaasaateqarfinnut assigiinngitsunut qinnuteqarnikuupput. Aningaasaateqarfiilli arlaannaalluunniit nakkutilliisoqarnissanut misiliinermut aningaasalijumangilaq.

Apeqquut 3) Qaqugu imeqqutaallat manniinik mannissartoqartalissava?

3-mut akissuteqaat.

Kitsissunnguani illersorneqarsinnaasumik piujuannartitsisumillu imeqqutaallat manniinik mannissarniarsinnaanermut akuersisoqassappat, taava mannissarnerup kingunerisaanik suunersunik nalunaarsuisussamik programmiliortariaqarpoq. Pinngortitaleriffik Kitsissunnguani Kalaallit Nunaanniluunniit sumiiffinni allani imaqqutaalaqatigiit nakkutigineqarluarnissaannut suliniummik pilersitsinikuunngilaq.

Apeqquut 4) Imeqqutaallat manniinik amerlassusiliilluni mannissartoqarsinnaaneranik Naalakkersuisut pilersaaruteqarpat?

4-mut akissuteqaat.

Naamik. Killilimmik mannissarniartoqassagaluarpat taava qeqertani angalasoqarnerulissaaq tamannalu imeqqutaallat manniliorteranik akornusiissalluni. Tamannalu aamma nakkutigineqarluarnissaannut suliniummik Pinngortitaleriffimmeersumik pisariaqartitsiviussaaq.

Apeqquut 5) Kitsissunnguit eqqaanilu piniarnermut nakkutilliisumik timmiaqarfik illersorniarlugu atorfinitsitsisoqarniarpa?

5-imut akissuteqaat.

Naamik. KANUAANA-p nakkutilliinissamut ukiumut pilersaarutaa malillugu eqqissimatitaasut Kitsissunnguit ilanngunneqareerput. Ilisimaneqartutuut KANUAANA nakkutilliinissamut suliassat assigiinngitsut pitsaaneruseqarsinnaanissaat siunertarlugu angallammik angineruseqarsinnaanissaat pissarsinikuuvoq, Kitsissunnguit tassunga aamma ilaapput.

Ukiuni 2021-mi aamma 2022-mi KANUAANA-p aqqissugaaneratigut allannguutit atuutsinneqalerput, sumiiffiit unioqqutitsinissamut ilimanaateqarnerpaani nakkutillineq ingerlanneqartassaaq, kiisalu unioqqutitsinerit ajoqusiinerpaaffiini.

Naalakkersuisut aningaasaliinerit naapertorlugit nakkutillineq taamannak aqqissorsimavaat.

Tassunga atatillugu ilisimatitsissutigisinnaavara UKA2022/31-p aamma UKA2022/59-p Inatsisartuni suliarineqarnerani allannguutissatut siunnersuut una saqqummiunneqarmat: "Piniarnermut aalisarnermullu nakkutilliisoqarnerup tamakkiisumik nalilersorneqarnissaannut periusissiorfigineqarnissaanullu Naalakkersuisut peqquneqarnissaannik Inatsisartut aalajangiiffigisassaattut siunnersuut. Nalilersuineq periusissiornerlu kingusinnerpaamik UKA 2023-mi Inatsisartunut saqqummiunneqassaaq. Tassanilu nunap immikkoortuini aqqissuusseqinnikkut nakkutilliisoqarnikkut pitsanngorsaanissat isiginiarneqassallutik."

Allannguutissatut siunnersuut Inatsisartuniit 04.11.22 aappassaaneerineqarnerani akuerineqarpoq. KANUAANA-p Aalisarnermut Piniarnermullu Naalakkersuisoqarfiup ataani piniarnermut aalisarnermullu nakkutilliisoqarnerup tamakkiisumik nalilersorneqarnissaannut periusissiorfigineqarnissaanullu suliap naammassinissaa suliassarivaa. Nalilersuineq periusissiornerlu Inatsisartunut kingusinnerpaamik UKA 2023-imi agguanneqassaaq

Inussiarnersumik inuulluaqqusillunga



Karl Tobiassen
Aalisarnermut Piniarnermullu Naalakkersuisoq